

26 FEB 2003

NAM: MERCEDES BENZ TIDAK AKAN DIJADIKAN HADIAH, KATA DR MAHATHIR

KUALA LUMPUR, 26 Feb (Bernama) -- Kereta mewah Mercedes Benz yang digunakan para pemimpin pada Sidang Kemuncak Pergerakan Negara-negara Berkecuali (NAM) ke-13 yang berakhir malam tadi, tidak akan diberikan sebagai hadiah kepada mereka yang menghadirinya, kata Perdana Menteri Datuk Seri Dr Mahathir Mohamad.

"Ini kali pertama saya mendengarnya. Saya minta maaf Australia bukan dalam delegasi (negara anggota NAM) tetapi jangan terlalu kecewa kerana kami tidak memberikan Mercedes itu sebagai hadiah," katanya.

Beliau memberitahu demikian pada persidangan berita selepas majlis penutupan sidang kemuncak NAM itu di sini, semasa ditanya oleh seorang wartawan Australia untuk mengesahkan khabar angin bahawa kerajaan Malaysia telah menghadiahkan kereta-kereta berkenaan kepada para pemimpin yang hadir pada sidang kemuncak itu.

"Kereta-kereta itu bukan sebenarnya dibeli kerajaan, ia dipinjamkan kepada kerajaan bagi mesyuarat ini dan selepas ini kami akan mengembalikan kereta-kereta itu kepada orang yang meminjamkannya. Kami bukannya kaya." kata Dr Mahathir, pengerusi baru NAM.

-- BERNAMA  
MNY SR RON